



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IZMJENI I DOPUNI ODLUKE
O PRIZNANJIMA I NAGRADI GRADA SARAJEVA
(prijedlog)

Predlagač:
Gradonačelnik Grada Sarajeva

Obrađivač:
Gradska služba za opću upravu i zajedničke poslove

Sarajevo, mart 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), Gradsko vijeće Grada Sarajeva, na __ sjednici održanoj _____ godine, donijelo je

(prijedlog)

ODLUKU
O IZMJENI I DOPUNI ODLUKE
O PRIZNANJIMA I NAGRADI GRADA SARAJEVA

Član 1.

U Odluci o priznanjima i nagradi Grada Sarajeva (“Službene novine Kantona Sarajevo”, broj 34/10 - prečišćeni tekst, 14/14 i 31/14) u članu 3. mijenja se stav 2., tako da glasi:
“U jednoj kalendarskoj godini može se dodijeliti najviše po pet Priznanja i Nagrada, izuzev priznanja “Plaketa Grada Sarajeva”, kojih se može dodijeliti šest, i priznanja “Ključ grada Sarajeva”, koje se može dodijeliti najviše dva puta.”

Član 2.

U članu 8. iza stava 1. dodaje se novi stav 2, koji glasi:
“Plaketa Grada Sarajeva je Priznanje koje se dodjeljuje i grupi, koju čine okupljeni pojedinci na realizaciji određenih poslova i projekata, a koji se odnose na doprinos razvoju Grada u oblastima privrede, kulture, obrazovanja, nauke, zdravstva i drugim oblastima života i rada.”

Dosadašnji stav 2. postaje stav 3.

Član 3.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Dr. Igor Gavrić

Broj: 01-GV-02- /20
Sarajevo, godine

OBRAZLOŽENJE

PRAVNI OSNOV

Pravni osnov za donošenje ove Odluke sadržan u članu 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), kojim je propisana nadležnost Gradskog vijeća Grada Sarajeva za donošenje odluka o priznanjima i nagradi Grada Sarajeva.

RAZLOZI DONOŠENJA

Obzirom da Odlukom o priznanjima i nagradi Grada Sarajeva nije propisano da se priznanje „Plaketa Grada Sarajeva“ može dodijeliti i grupi, koju čine okupljeni pojedinci na realizaciji određenih poslova i projekata, a koji se odnose na doprinos razvoju Grada u oblastima privrede, kulture, obrazovanja, nauke, zdravstva i drugim oblastima života i rada, pristupilo se izmjenama i dopunama ove Odluke.

OBRAZLOŽENJE PREDLOŽENIH RJEŠENJA

U članu 1. se propisuje broj priznanja i nagrada, koji se mogu dodijeliti u jednoj kalendarskoj godini.

U članu 2. se propisuje da se priznanje „Plaketa Grada Sarajeva“ dodjeljuje i grupi.

U članu 3. se propisuje stupanje na snagu Odluke.

FINANSIJSKA SREDSTVA

Sredstva za provođenje ove Odluke se osiguravaju u Budžetu Grada Sarajeva.